




Broj: 01/3-50-3-3-11/21

Sarajevo, 24. 2. 2021.



Z A P I S N I K

11. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 24. 2. 2021.

Sjednicu Komisije za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) sazvao je Dragan Bogdanić, predsjedavajući Komisije.

Sjednica je počela u 11. 30 sati.

Sjednici su prisustvovali: Dragan Bogdanić, Mijo Matanović, Šemsudin Mehmedović, Edin Mušić, Mirko Šarović, Zukan Helez i Damir Arnaut.

Sjednici Komisije opravdano nisu prisustvovali Nenad Stevandić i Enver Bijedić.

Sjednici su prisustvovali predstavnici Uprave za indirektno oporezivanje BiH, i to:

Elvir Muminović, pomoćnik direktora Sektora za poslovne usluge, Vladimir Dragičević, pomoćnik direktora Sektora za carine, Muharem Mašinović, pomoćnik direktora Sektora za poreze, Danijela Jozić, pomoćnica direktora Sektora za provođenje propisa, Svjetlana Perković, pomoćnica direktora Sektora za informacione tehnologije, i Azra Dedić, načelnica Odjeljenja za pravne poslove.

Sjednici su, također, prisustvovali: Mirjana Crnjak, sekretarka Komisije za vanjsku trgovinu i carine, Enver Bogućanin iz Odjela za informiranje u Sektoru za odnose s javnošću Sekretarijata Parlamentarne skupštine BiH i Snežana Samardžija, novinarka SRNA-e.

Predsjedavajući Komisije Dragan Bogdanić otvorio je 11. sjednicu Komisije i konstatirao da postoji kvorum, jer sjednici prisustvuje sedam od ukupno devet članova.

Predsjedavajući Komisije pročitao je predloženi dnevni red 11. sjednice. Budući da nije bilo izmjena ni dopuna dnevnog reda, predsjedavajući Komisije konstatirao je da 11. sjednica ima sljedeći

DNEVNI RED

1. Usvajanje Zapisnika 10. sjednice Komisije;
2. Razmatranje Informacije Uprave za indirektno oporezivanje BiH, materijal UIOBiH, broj: 01/3-50-3-3-6/20 od 5. 2. 2021;
3. Tekuća pitanja:
 - a) Zabilješka s radnog sastanka, održanog 15.12.2020, u Glavnom uredu Banja Luka, UIOBiH.

Ad. 1. Usvajanje Zapisnika 10. sjednice Komisije

Na Zapisnik 10. sjednice Komisije nije bilo primjedbi te je **jednoglasno** usvojen.

Ad. 2. Razmatranje Informacije Uprave za indirektno oporezivanje BiH, materijal

UIOBiH, broj: 01/3-50-3-3-6/20 od 5. 2. 2021.

Predsjedavajući Komisije podsjetio je članove Komisije na održani sastanak s menadžmentom Uprave za indirektno oporezivanje BiH u Banjoj Luci, 15. 12. 2021. i da je na tom sastanku zaključeno da Uprava dostavi jednu širu informaciju o svim pitanjima o kojima se raspravljalo na sastanku, kako bi Komisija mogla izvršiti njihovu analizu i donijeti odgovarajuće zaključke.

Uprava za indirektno oporezivanje BiH dostavila je traženu informaciju 5. 2. 2021.

Zatim je predsjedavajući dao riječ predstavnicima UIO.

Predstavnici Uprave su: Vladimir Dragičević, pomoćnik direktora Sektora za carine, Elvir Muminović, pomoćnik direktora Sektora za poslovne usluge, Danijela Jozić, pomoćnica direktora Sektora za provođenje propisa, i Svjetlana Perković, pomoćnica direktora Sektora za informacione tehnologije, dali su uvodna izlaganja za svoje resore.

Zatim je predsjedavajući Komisije otvorio raspravu.

U raspravi su učestvovali: Šemsudin Mehmedović, Mirko Šarović i Damir Arnaut.

Zatim je Mirko Šarović otišao sa sjednice Komisije zbog ranije preuzetih obaveza, a Komisija je nastavila raditi jer je imala kvorum sa šest članova.

Nakon rasprave, Komisija je jednoglasno usvojila sljedeći zaključak

Komisija za vanjsku trgovinu i carine Predstavničkog doma Parlamentarne skupštine BiH traži od Vijeća ministara BiH da ubrza davanje saglasnosti Upravi za indirektno oporezivanje BiH za popunjavanje upražnjenih radnih mjesta utvrđenih Pravilnikom o unutrašnjoj organizaciji i sistematizaciji, a za koja postoje odobrena finansijska sredstva.

Zatim su članovi Komisije glasali o Informaciji UIOBiH.

Komisija je primila k znanju Informaciju UIOBiH s pet glasova „za“, jednim glasom „suzdržan“ i bez glasova „protiv“.

Ad.3. Tekuća pitanja:

a) Zabilješka s radnog sastanka, održanog 15.12.2020. u Glavnom uredu Banja Luka, UIOBiH.

Na predloženu Zabilješku nije bilo primjedbi pa je Komisija s pet glasova „za“, jednim glasom „suzdržan“ i bez glasova „protiv“ Zabilješku primila k znanju.

Sjednica je završena u 12. 30 sati.

Sekretarka Komisije

Mirjana Crnjak



Predsjedavajući Komisije

Dr. Dragan Bogdanić

